

石

匱

書

石匱書卷第十一

明 蜀人張 汝著

世宗本紀

肅皇帝興獻王長子也 憲宗十子長 孝宗次貴

妃邵氏子興王興王封楚安陸 上生之年為正德

二年翼軫見慶雲楚分也 正德十六年三月 武宗

崩無子慈壽皇太后使司禮太監竊壽寧侯鶴齡附

馬都尉元奉金符至興邸 上迎國門外既受詔乃

登座受符朝羣臣四月壬午辭園寢癸未蒞安陸渡
河擘舟父老相告曰昔聖天子生年此河清三百里
者三日茲其徵夫壬寅上至自安陸大學士請從
東安門入居文華殿侯勸進上曰此皇太子禮哉
奉遺詔嗣皇帝遂以癸卯受臣民箋於行殿入大明
門日中即位頒詔除竊以明年為嘉靖元年丙午遣
司禮監奉迎母妃於安陸召故大學士於內閣叅御
馬監太監張忠干經撫縉克軍孝陵衛降劉太監谷

大用丘聚等有差賜故司禮監太監王岳范身官執
巡撫宣大都御史竄果於京師立故都督馬雲業壯
祠於遼東貴州普安賊阿則阿工得就擒餘黨悉平
五月詔錄故諫南巡諸官死者追贈諭祭廢孑生者
起取復職陞用日精門穴開大理礦命羣臣議興獻
王主祀封號禮部尚書毛澄會公卿等六十餘人上
議漢成帝立定陶王為嗣而以楚王孫後定陶師丹
善其合禮今上宜以孝宗為考而稱興獻王為叔

父以益王子崇仁王後興獻稱考而願稱益王為叔
上曰父子可互易若是邪其更議大學士楊廷和蔣
冕毛紀復言程頤濮議最為得體興國祀事暫屬崇
仁王俟皇次子生復承王後情理尤愜不報錢軍江
彬伏誅大賚臣民軍士起彭澤為兵部尚書孫交為
戶部尚書林俊為工部尚書禮部尚書毛澄再以興
獻王主祀廟號請 上曰事大其再議 月殿內苑
禽獸大黜罰正德中內侍奸黨戮宸濠逆黨於市賜

故指揮卒斌常璽祭賜故都御史孫燧副使許遠贈
廕謚祠南昂曰旌忠而歲山東河南陝諸郡大旱疫
倖織造絨袍於陝罷抽帛內臣七月存問故大學士
劉健謝遷戶部尚書韓文秀冠莊梁洮岷諸處軍謀
盜起大同卒索糧譁歎亂斬其首五人以殉觀政進
士張璉疏言時議欲考孝宗而叔興獻王者拘定
陶澂王陳跡耳漢哀宗英立為皇嗣育之宮中猶有
父子之道今皇上以倫序常立循繼統之義非為

孝宗後也稱興獻王以皇叔鬼神既不安矣稱聖母
以叔母得不為 皇上臣乎謂 皇上以繼統而尊
崇其親則可謂以繼嗣而自絕其親則不可令惟別
立興獻王廟隆以帝禮聖母亦以平貴尊與帝並庶
全父子之倫而不失尊親之孝矣 上喜曰此論出
吾父子獲全矣因諭廷和曰此議寔尊 祖訓據古
禮爾曹何得誤朕廷和曰書生不知國體復持上上
乃台廷和等入諭且平勅曰卿等所言亦是但固極

之恩不容不報今尊父為興獻皇帝母為興獻皇后
祖母邵氏為康壽皇太后以仲朕為子之情廷和曰
禮為人後者為之子所生者為伯叔不啻降其服且
異其名也臣不敢阿順封還手勅八月兵科給事中
夏言等奉命查革武職凡正德年間巧立別名陞授
職級者三十一百九十九名尚書彭澤覆奏盡革之
九月癸酉聖母至通州以徽號未定駐留不入上
聞之涕泗號泣啓慈壽皇太后願避位奉母歸藩屏

臣惶懼無措士午日至京縣大明門入 上迎於闕
內逆朝義不謁太廟止見奉先奉慈二殿下劄諭曰
罔極之恩無繇以報其勉承朕命朕考稱興獻太皇
帝聖母稱興獻皇太后廷和言興獻帝后尊稱已極
若復加皇字與孝廟慈壽並稱是悖所後而重奉生
任私恩而忘大義臣等死不塞責 上曰朕奉昊天
至情不必拘於史志可勉加皇字母為托詞吏部尚
書喬宇率百官率皇字不可加 上曰慈壽皇太后

苗爾羣臣其勉承之廷和等乃乞罷歸不報給事中
熊浹兵部主事霍韜同知馬時中監生何淵巡檢房
濬各上疏議大禮一如張璉議下禮部知之巡撫雲
南都御史何孟春奏興獻帝宜止稱皇叔請去父字
十一月脩武宗實錄論平宸濠功封王守仁為新建
伯逮四川巡撫馬吳下獄戍故尚書王瓊於邊贈故
翰林脩撰羅倫官賜諡張璉再為大禮或問以獻重
建乾清宮成上自文華殿入居之罷廣西香貢逆

番窩亦虎仙伏誅二雲南十八寨賊阿寺等十二月
存問故南京禮部尚書章懋內閣九卿翰林科道連
章累疏皆言張璉倡為邪說請罷斥不聽除璉為南
京刑部主事

元年正月己酉朔上御朝不賀己未大祀天地清
寧宮後小室災楊廷和言火災風迅且迫清寧後殿
豈興獻帝后加稱祖宗神靈或有未協者乎給事
鄧繼曾主事高尚賢等亦各上疏上心動乃使從

廷議稱 孝宗為皇考慈壽皇太后為聖母與獻帝
后為本生父母不稱皇陝西甘州五衛軍大亂殺巡
撫都御史許銘焚其屍大能仁寺妖僧齋瑞竹正德
間賜靈書金印賞賚無算 上遣工部侍郎趙璜言
簿錄財帛及玄明宮佛像毀括金屑一千三十兩悉
給商以償宿逋禮部郎中屠垕議檄編查京師諸淫
寺悉折毀之二月詔曰聖母慈壽皇太后敬相 皇
考孝宗訓育朕兄 武宗尉有令聞皇嫂表正宮闈

母儀有年聖祖母貴妃事我 憲宗澤隆啓佑本生
父興獻王聰明仁孝本生母興獻王妃莊敬勤儉誕
育朕躬丕承前列謹奉冊寶上聖母尊號曰昭聖慈
壽皇太后皇嫂曰莊肅皇后又奉聖母懿旨上聖祖
母尊號曰壽安皇太后本生父曰興獻帝母曰興國
太后大禮既舉洪恩誕敷布告天下三月以水災免
河南開封府及汝州秋稅叙翊戴功封廷和冕紀爵
伯壽安皇太后弟印喜興國太后弟蔣倫各封伯壽

寧侯張鶴齡加太師禮部尚書毛澄加太子太傅世
錦衣太監張錦等九名承奉官等二十七人皆授太
監加祿廩廷和冕紀乃上疏辭封兵部尚彭澤覆奏
正德中權奸用事封錫太濫 皇上釐革殆盡乃以
定策之功封廕至五十三人非所以為訓也宜聽辭
免逆之各廕一子惟外戚伯如故六月南京大水勅
論文武羣臣同加脩省併遣官賑卹被災之處九月
辛未冊立皇后陳氏十一月庚申壽安皇太后御氏

崩禮部請服十三日而除 上曰以二十七日及期
猶不忍除也曰山陵未定其攷 憲宗朝喪錢太后
禮毛澄言錢太后崩距葬不遠故暫持凶以待今山
陵尚未且將獻歲不宜縞素臨元會 陛下孝思深
摯請止鐘鼓毋御中門 上乃勉具黑翼善冠素服
角帶御西角門還宮仍素翔望罷殿上又欲祔葬茂
陵廷和曰不可乃卜地陵右為十二月遷東開原大
飢免徵棹棚馬價虜掠編頭關

二年正月應天鳳陽山東河南陝西地震給事中黃
臣請塞傳乞之門以消災變不報叙逆龍功以故太
監趙山等養子為錦衣世襲指揮兵部尚書彭澤及
科臣夏言等爭之不聽楊廷和疏請斥遠僧道停罷
齋醮九卿喬宇等各疏諫止優詔答之五月丁丑雷
雨交作擊觀星臺候風杆連石座碎之定興廟祀典
太常卿汪舉請用十二籩豆如太廟禮禮官實詠言
正統本生義宜有異八佾太廟之禮也安陸宜少報

以避二統之嫌。上曰樂舞已定，令所司脩之。何孟春等力諍，不報。十二月，遣內臣蘓抗織造工部及科臣各諫，不聽。命廷和撰勅，堅執不從。上怒其違抗，切責之。廷和遂移疾乞休，允之。

三年正月，五星聚於營室，大賑江南飢。二月，給事中鄧繼曾言：批荅朝旨，頃多從中不出，閣擬恐二三大臣不得圖政。左右羣小復竊權，希寵如正德時。上怒，下詔獄諸之。南京刑部主事桂萼上正大禮疏，言

皇上非為人後而為入繼之主當考興獻帝毋興獻
后併錄都御史席書吏部貢外方獻夫二疏以聞

上曰此禮關係綱常會文武羣臣集議禮部尚書汪
俊等上所議禮極辯桂萼等議禮非是 上諭曰正

統大義不敢有違第本生至恩情款無盡其恭衆論
詳議以聞楚王宗誠以儀賓沈寶疏上代府長史李
錫南京都察院經歷黃繪錦衣千戶聶能與總議合
上益心動命取席書桂萼併送里中起霍韜詣京集

議興國太后十秋節命嬪各上箋賀宴賚倍常南畿
諸郡大飢人相食江盜白晝搶掠巡按朱衣上其事
命戶部侍郎席書發帑藏漕粟賑之又發帑金十
五萬分賑淮鳳二府江盜勅操江伍文定勦捕四月
立興獻帝廟於大內給事安盤上疏言恭穆既不得
入太廟自不應稱皇考 上曰朕本生聖母躬親奉
侍而本生皇考遠在安陸於卿等安乎奉先殿西室
所司亟脩葺以盡朕歲時追荐之情禮官即日具儀

仍執違旨者罪無赦五月辛蔣冕致仕編脩鄒守益
再疏爭大禮修撰呂柟上疏極言時事並下鎮撫司
拷訊誦其官定奉先殿西室名觀德殿奉安輿獻皇
帝神主霍韜赴台力辯二父兩統之非而席書亦上
大禮考議總等至復條七事以上俱留中鴻臚寺少
卿胡侍言 祖訓兄終弟及蓋嚴嫡庶防親親耳魯
嬰齊不受命歸父漢病已不受命昭帝何必受命乃
為後哉 上怒誦為潞州判官六月以張璉桂萼為

翰林學士方獻夫為侍讀學士土魯番寇甘肅巡撫
都御史陳九疇樂却之詔旌遺忠劉蒞賜祭葬復其
家員外薛蕙上為人後解二篇為人後辨一篇命鎮
撫司逮訊之御史段續陳相各疏蕙等假議禮以干
進不宜驟加清秩 上怒其排妬忠良逮謫補外七
月璉等上言今日典禮願與禮官辨晰列十三事以
上何孟春為論條辨 上切責之 上罷朝齋居文
華殿金獻民徐文華倡言諸疏留中必以 孝宗為

皇伯考矣何益春曰慈懿太后葬禮部尚書姚夔率
百官伏哭文華門力爭 憲宗從之此我朝故事也
楊慎曰國家養士一百五十年仗節死義正在今日
王元正等遂定期羣臣於金水橋曰萬世瞻仰在此
一舉不力爭者共擊之於是何益春等二百二十餘
人俱跪伏左順門大呼 高皇帝 孝宗皇帝齊徹
於內 上使司禮諭退不從 上命錄為首者以學
士曹熙給事中張紳等八人下詔獄楊慎王元正乃

撼奉天門大哭羣臣皆哭聲震關上大怒命速馬
理等一百三十四人俱下詔獄併何孟春金獻民等
共二百二十人為首者戍邊四品以下奪俸五品以下
朴譴豐熙等一百八十餘人各杖有差病創卒者十
有七人八月大同軍亂殺巡撫都御史張文錦九月
汪偉鄭岳徐文華與璵等辯論未決武定侯郭勛遽
曰祖訓如是古禮如是人臣事君將順其美璵等
言當於是書華璵獻夫會公鶴齡侯勛仇鸞等六十

四人上言三代之法父死子繼兄終弟及今孝宗有武宗為子不宜更立皇上為後人無二本

孝宗伯也宜稱皇伯昭聖伯母也宜稱皇伯母允合天理協人情獻皇帝主別禰廟不入太廟尊親

兩不悖矣於是稱孝宗曰皇伯慈壽太皇后曰皇伯母獻皇帝曰皇考獻皇后曰聖母詔諭天下安陸松陵山上既改名顯陵百戶隨全請改遷命多官集議工部尚書趙璜席書等力言不可遷迺止十一

月遼東妖賊李真陸雄等聚衆入山海關殺主事王冕守臣以聞命各鎮巡官遂捕

四年正月西虜寇甘肅總兵姜英禦之苦水墩敗之起致仕大學士楊一清為兵部尚書總督三邊軍務三月御史王懋躬楠先後乞優卹議禮臣之死杖下者上怒楠懋為邊方典史逮治楠為民修猷皇帝實錄仁壽宮灾四月黃屋顯陵殿改陵署曰監衛曰顯陵衛日本使宋素卿論允罷市舶絕其貢光祿寺

署丞何淵請立世室祀皇考太廟下禮部議不可命
再議璵等與議亦不可曰臣故言當考獻皇帝廟京
師耳不敢言祀太廟也庶書乃會廷臣議請於乾城
之東皇城之內立一禰廟前後寢如文華規制出入
不與太廟同門坐位不與太廟並列祭用次日廟欲
稍遠庶以成祖廟獨尊之體避兩廟二統之嫌上
可其奏命度地興工親定其名曰世廟七月命建崇
先殿九月以四方災異論上下同加修省工部尚書

趙璜請罷玉德殿等工併世廟及仁壽宮完日乃可
議與他工 上嘉納之併罷仁壽宮台採木侍郎王
軌來京十二月刊布 太祖御製洪範序及御註無
逸伊訓三篇為一書曰書經三要閏十二月以大禮
集議成進席書太子太保諸與議者皆陞定授一級
以璵萼為詹事府詹事獻夫緡為少詹事降岷王彥
汰為庶人

五年二月虜亦卜剌往牧軍夏賀蘭山後將以冰合

渡河入套提督王憲總兵抗雄戰却之畿內飢命蒞
縣倉庾及太倉錢穀賑之十月御製赦一箴及註范
浚心箴程顥視聽言動四箴頒賜大學士費宏等各
疏謝編脩孫承恩進鑒古韻語十一月淮河泛溢十
二月四方災異疊見以水旱雷雨地震山崩奏者凡
數省有奏水雹大如人頭捲裂民舍百數十家江南
婦生子六目四面有角手足各一節獨爪鬼聲河南
生牛犢一身兩首勛陽牛產二身併心肺胆各二江

西虎具人手足大學士楊一清以修省上言勅曰覽
卿疏者再論之至切朕涼寡冲昧日夜惟治未盡知
民欲求直言：或不實朕過多不自悟其悉陳之庸
開朕心毋忌以不世

六年正月勅大學士宏同議禮諸臣璉等纂脩明
倫大典二月虜犯宣府中路叅將王經力戰死之
上聽革退千戶邦奇仇構下廷和于兵部主事悼塚
脩撰承勳獄褫悼職為民承勳閑住起羅欽順為禮

部尚書不至三月贈宸濠死事瑞州知府宗以方光祿寺卿廢一十四月起羅欽順為吏部尚書復不至五月京師雨錢六月兩廣總督姚鏌請討田州叛賊岑猛起新建伯王守仁以兵部尚書總制兩廣及江西湖廣軍務八月命吏部左侍郎桂萼署刑部事兵部左侍郎張璉署都察院事少詹方獻夫署大理寺事平反囚李福達獄釋之論御史馮錄等罪張璉疏請各省鄉舉俱始兩京例命言官往試京闈者亦

用甲科以羅真才從之奪武定侯郭勛提督團營十
一月大學士楊一清等言近畿八府土地多為各監
局及勢豪之家乞討或作草場或作皇莊民各失其
常產願自今凡有請乞絕勿復許令戶部推侍郎及
科道官有夙裁者往勘一清遂薦開往太監張永詔
起永提督團營兼查畿內地土十二月以張璉入內
閣兼署都察院事桂萼陞禮部尚書方獻夫陞吏部
侍郎霍韜陞翰林學士

七年二月勅戶部議甘肅邊儲久缺其詳畫經久之策以聞胡世寧請復鹽法以紓邊困納之給事中陸粲請增築邊牆一如楊一清初議詔發帑儲備之二川南贛巡撫汪鋐奏元日甘露降於長泰等縣上遣官祭告薦崇廟勅製忠靖冠服五月兩廣總督王守仁報思田賊平六月明倫大典成御製文序之定議禮諸臣罪以楊廷和為罪首編氓毛澄以下罪各有差九月河道總督盛應期議開新河功未成而罪

議者惜之十月丁未皇后陳氏崩閏十月卅順妃張氏為皇后十一月御製顯陵碑文以桂萼入閣辦事八年二月王守仁卒於安南道詔以守仁擅離重地非事君之道况學術事功多有可議命會官集勘大學士桂萼曰守仁事不師古言不稱師欲立異以為名則非朱熹格致之論知衆論之不與則著年晚論定之書號召生徒互相倡和其門人為之辯謗至謂杖之不死投之江不死以瀆天聽幾於無忌憚矣若

勦捕逆濠論功足錄宜免奪伯爵以彰大信申禁邪
說以正人心遂之三月 上以春旱躬禱於南郊山
川社稷不雨御製禱雨不應自咎說示羣臣四月戶
部侍郎王執言 皇上命臣清查鹽田見熟成之家
占據膏腴踴躍郡邑乞如成周之制隨其品級定擬
多寡別其親疎量為裁革其閒置田土不報納糧差
者追新如功臣田土例外強占者俱給還原主詔
遂之八月給事中孫應奎陸燦王準先後論劾張璠

懷恣桂萼貪濫狀 上怒曰朕以璉萼為朕正父子
之名委以重任乃頓失前志朕不敢私璉其辭相還
省圖後用萼奪散官學士職銜以尚書致仕因下二
臣罪狀大治其黨與 上曰應全首戮璉萼若可赦
也 璉準不早言非奉忠並違問摘其官詹事霍韜意
一清為之詆一清 上前甚急 上復曰老乃負朕
又下一清狀於九卿使劾之 上予歸遂召璉還後
萼散官職銜如故 上曰科道官無一言一清者非

附即畏其各奪休三月十月虜酋吉囊接答寇榆林
軍夏塞王璉督兵禦之虜引去乾清宮內西七所虜
災刑部員外郎經邦諫復相璉等下鎮撫司嚴訊成
邊十一月陝西僉事齋之竊進河南飢民所食蓬子
封題賫獻乞頒臣使知民瘼十二月羗戎寇鞏鼎
提督軍務王璉勦平之頒大學術義於廷臣時除冬
無雪上躬禱得雪親詣壇謝方獻夫穆孔暉等各
獻靈雪賦頌及詩歌優詔報聞

九年二月給事中夏言請行皇后親耕禮上大悅
勅曰古者天子親耕王后親蠶以勸天下朕甚慕之
今歲朕躬祀先農禮三月戊辰祭社稷畢祭先農東
郊耕籍夏言請分南北郊上悅并命定朝日夕月
禮丁巳皇后蠶北郊延綏賑之五月躬祭告上帝宗
廟興工於園丘六月禮官李時與總議姚廣孝削髮
被緇配享太廟似有未安宜移祀大興隆寺遂之大
明集禮書成御製文序之十月改奉孔子為先師母

王四配皆稱子十哲以下稱先賢左丘明以下稱先
儒毋公侯伯殿稱廟象易主兩園子祭用十蓮十豆
天下學宮八蓮八豆樂六佾立啓聖公祠祀叔梁紇
以顏無繇曾點孟孫氏配罷逆祀申黨公伯寮等改
祀林放蘧瑗等於鄉增入后蒼王通歐陽脩胡瑗蔡
元定等祀兩廡十一月戊子園丘成 上躬視之辛
丑園丘集儀禮畢宣大學士總禮部尚書時恭次日
有誤否即以聞甲辰往觀牲南郊乙巳誓百官奉天

殿丙午告配於 太祖己酉始以冬至郊還御奉天
殿行慶成禮大赦天下庚戌大宴以夏言為翰林院
侍讀學士兼都給事中十二月臘御製蜡樂詩祈嗣
太廟世廟撤文華殿釋像告奉先崇先祀伏羲神農
黃帝堯舜禹湯文武周公孔子加贈故江西副使許
遜禮部尚書以贈太常寺少卿黃宏光祿寺少卿馬
思聰配享南昌祠

十年正月 上幸大祀殿禮畢諭璉曰二聖配帝之

典決不可為自來只是祖配天尋親定祈報祝文儀
注止奉 太祖配賜張璠改名孚敬字懋恭御書賜
之三月耕籍田四月行大禘禮於太廟五月旱 上
躬禱雨於殿閣六月雷震午門西角樓御製祝文行
露告禮併詔脩省刑部主事李瑜言劉基翊運之功
宜配享褻封與徐達並顧興止繼絕 上允其請併
詔求常遇李文忠湯和鄧愈後六月行人薛侃請
遵 祖制擇觀生一人在京司香名守城王乞查例

行之 上怒逮開寃主使累及太常卿彭濟孚敬惡
夏言囑侃使引言及廷鞫侃瞋目曰張少傅趣我上
者與言何與 上釋言出卒敬塞疏二以示廷臣斥
其忤周著致仕去澤遣戍侃為民九月無逸殺幽風
亭成台翟奎李時汪鏊同觀收穫十月詔籍沒已故
太監谷大用家產十一月遣行人名張孚敬建祈嗣
醮欽安殿以禮部尚書夏言元醮壇監禮使侍郎湛若
水願鼎臣充迎嗣導引官文武大臣進 進香 上

親行初終兩日禮

十一年正月賑畿內災桑西苑二月 上祀先聖先
師文華殿嘉親產新水薦太廟三月張孚敬至進太
平太師華蓋殿大學士四月令進士母得遠考選科
道官五月大祭地方澤始遣代封常遇春八世孫玄
振為懷遠侯李文忠七世孫性為臨淮侯鄧愈六世
孫繼坤為定遠侯湯和六世孫紹宗為靈璧侯六月
封劉基九世孫瑜為誠意伯重刊二十一史歲七月

黃河決魚臺九月科臣魏良弼以彗星辰見東方參
張宇敬竊措驕橫妖星示儆宇敬疏辯秦釐復劾宇
敬強辯飾非媚疾愈甚乞亟罷黜以回天意 上曰

秦釐言出忠讜令宇敬自陳准致仕十月編修楊名
上修省疏斥汪鋐郭勳之奸并乞罷工作禱祀 上

怒收繫械訊鋐具疏謂名與廷和同里代為報復

上益怒命宥主使名瀕死無所措兵部侍郎黃宗明
疏掾 上曰宗明即其主使也併鞠之名或違宗明

調外任御史馮恩上疏乞斬張平敬汪鏞方獻夫三
奸以謝天下 上怒逮繫即訊獄具論斬其母吳氏
擊登聞鼓替寬子行可請以身代皆不報甲午冬行
可於長安街刺血書疏自縛闕下通政陳經見而憐
之為引奏 上動容曰忠孝乃出一家邪其貫之遂
得減死戍雷州十一月四川巡撫宋滄獻白免汪鏞
等各獻詩章

十二年正月河南巡撫吳山獻白鹿夏言請告廟受

賀許之復召故大學士張孚敬三月幸太學皇后親
焚於內苑四月應天巡撫陳軾白兔時白鹿鵲兔
疊至重出詔天下勿來獻汪鋐作詩美 上謙德褒
答之張孚敬至詔天下博求曾子孺齋襲五經博士
如顏孟二氏五月 上演馬南城還御環碧殿台翠
敬時獻夫鑿同觀之馬有玉麟飛白玉馴碧玉驕照
夜壁銀河練瑤池駿飛雲白凡七因使中官領四臣
看花嘉樂館 上乘玉麟飛轉御重華殿台論時政

賜酒饌服色賦君臣同遊詩六月禁星見 上曰禁
回見矣朕擇日祇祭便殿文武羣臣其痛加修省八
月皇第一子生詔寬恤天下十月復楊一清官大同
兵變總制張璠撫定之慈壽皇太后弟張鶴齡有罪
延齡以不法論死鶴齡卒爵皇子堯謚哀冲太子十
二月虜犯寧夏總兵王效副總兵梁震擊敗之

十三年正月廢皇后張氏冊德妃方氏為皇后二月
祀太學釋奠先師進諸生橫經布講五月尚苑先蠶

壇廟成遊絲 上御重華殿召大學士早放武定侯
勳等五人入觀祀天青霽作紀樂同遊詩因賜五官
扇曰與卿同涼七月南京太廟災甲子間 上曰擇
日齋沐而廟慰禮也人子赴父母變何待正衣冠其
即以下卯詣告天遂廟慰八月造神御閣南內奉嚴
列聖御容下為石室金匱貯寶訓寶錄十月南京兵
部主事劉世龍上言大臣羣僚表率勲威國家故舊
陛下誠知大臣之才可則禮之宜優不宜倏斥俟用

或因事械繫或捶楚之張延齡恐寵為非盛滿不戒
寘之重辟無足惜第恐無以慰 孝宗在天之靈安
昭聖太后垂老之心 上以世寵訕上庇送命械繫
京師治之十一月製大報歌於齋宮十二月選淑妃
以備九嬪禮部請廣求之而畿河南山東 上本廣
嗣也使者四出擾民：謂朕色荒其第選之京城內
外

十四年正月改建世廟於太廟左方廢朱雪輪閣

禮官曰天賜時玉未得與卿一見禮部尚書夏言曰
獻天賜時玉賦而成莊肅皇后夏氏崩祔英康陵四
月張孚敬病札諭曰惟古近之君剪鬚療臣今朕有
自驗飲斗特賜卿服後告朕何如有頃孚敬乃乞休
許之初薦新爰內殿賜百官爰餅七月禮部請百官
預習萬壽賀儀上曰建廟未成祖考未妥朕辰敢
賀至日常服御殿如朔望禮尚書言：皇上厚自
貶以明孝而臣子不能抑誠其日請常服御朝百官

公服鴻臚寺具班百官致詞行五拜三叩頭禮許之
御史曾翀戴銑論劾南京兵部尚書劉龍刑部尚書
聶賢工部尚書王縉戶部侍郎張雲刑部侍郎陳璋
工部侍郎甘為霖大理寺卿吳惠太僕寺卿詵光廵
撫甘肅都御史趙載請罷之下吏部覆尚書汪銓皆
議留上譙銓曰安得比相舉是聞官人亦阻直言
因召大學士時面諭之上謂龍誠人也其才鈍謂賢
衰矣宦成意謂璿光皆老矣謂縉介不通謂雲應人

為霖才人也謂惠無華國之文不如宋也謂載才無
過曰不別去留而奪銓俸一月御史曾銑平廣龍卒
再召費宏為大學士八月見費宏文華殿西室賜銀
圖書一令盡心入告命雲貴自開科取士九月罷吏
部尚書汪鏞修獻皇帝誕宮曰啓祥宮費宏卒葬位
十二月冊封淑女曹氏為端嬪告廟受賀上曰西
京祭酒士表也今其廷推著為令十二月田州土目
蘆蕪殺本州判本邦相以叛湖廣九谿津諸處峒

賊平

十五年正月 上御朝以宗廟未成簡朝禮三月加
致一真人節元節道號賜玉帶冠服 上諭夏官卿
將詣天壽山謁陵且預作山陵烏言對山陵東寧請
遣官相地得地以報然後并修謁禮 上曰得地而
謁陵不敬其先修顯謁禮然後卜兆丙子奉皇太后
率皇后謁七陵擇陵城十八道嶺上見官吏生僞父
老昌平州復稅糧三之一轉祭室廟廢后景皇帝二

陵於西山泛舟西湖還四月遣祭孝顯二陵五月毀
禁中佛殿建慈慶慈寧宮夏言請瘞佛骨於中野

上曰瘞中野將來豈無竊葬以惑愚衆其燬之通衢
永除之凡燔佛骨佛牙等萬三千餘斤再召張辛敬
七月重錄寶訓寶錄改神御殿為皇史宬專藏之別
飾景神殿以奉列聖御容八月虜入涼州莊浪總兵
王輔姜夔兩破之九月改悼靈皇后曰孝潔遷主於
奉先殿西室十月戊子皇次子生 上祭南郊詔天

下及朝鮮安南二國羣臣請賀地震上曰朕懼上天其已賀十一月宗廟成奉太祖主於故太廟太宗列聖於新廟修內奉先殿大脩金錄殿於玄極殿七晝夜以謝儲祥以大臣為上香暨禮迎詞引導等使如舊十二月廢后張氏薨以宗廟成加上西宮徽號虜大入延綏總兵王效白爵大破之以皇嗣生錄卽元節禱祀功加授禮部尚書給文官一品服俸

十六年正月癸卯皇三子生二月赦諸臣請錢者百

四十人惟馮錄呂經馮恩楊慎王元正劉濟豐熙卽
經和不與三月進武定侯郭英配享太廟皇四子生
五月雷震謹身殿鷓鴣吻七月以水免隨沔漢陽三州
縣稅糧命撫臣賑之八月以莫登庸纂議征安南順
天水灾命有司賑之九月夏言劾應天試錄策問郊
祀語含譏訛而同考官不書名大不敬又摘廣東錄
語多不經命逮繫典試江汝璧歐陽衢廣東巡按余
光俱詔獄貢士不得應試南宮十月以鳳陽諸府災

蠲其稅糧賑之十二月以陵工稽緩草工部尚書甘
為霖職下郎中錦衣獄

十七年正月 上祈穀於太祀廟二月 上如天壽

山祀陵三月巡按福建御史李文陽進甘露九菴薦

宗廟詔咸寧侯仇鸞佩征西將軍印充總兵官征安

南以兵部尚書毛伯溫贊其軍四月景星見請賀許

之大旱 上躬禱雨御製祝文藝之不應復於宮中

默禱大雨沾足羣臣表賀六月通州同知豐坊請建

明堂加尊皇考獻皇帝廟號稱宗以配上帝 上嘉
納之戶部侍郎唐胥疏諫黜為民八月虜酋吉囊犯
河西劉天和率所部禦却之陞和兵部尚書總制如
故九月諭禮部曰 皇祖肇造區宇 太宗中定艱
難宜同稱祖號獻皇帝躬脩大德延及朕身宜薦宗
稱於是尊 文皇帝為成祖皇考獻皇帝為睿宗配
上帝詔示天下辛巳奉睿宗神主祔太廟 上詣山
陵行秋祀禮十二月癸卯章聖皇太后崩壬午駕蒞

京師詣山陵大峪山躬往襄事

十八年正月勅諭禮部曰朕以皇考顯陵建造狹隘
欲躬詣與大臣周閱卜造重建玄宮擇二月十五啓
行冊立元子為皇太子第二子為裕王第三子為景
王以方士陶典真為神霄保國宣教高士典真即仲
文師事致一真人節元節時元節病不能逆乃薦典
真命吏禮二部給與誥印仍許攜其家於官尚書許
讚等各疏請止南幸不允命皇太子監國乙卯駕崩

京師三月丁卯夜半行宮火延及御寢 上遑遽莫
知所避錦衣陸炳排闥入負 上出燭中關婢有焚
死者越三日乃行次元村行殿復火 上大怒乃逮
繫撫按三司官下詔獄遣駙馬鄒景和往祭漢世祖
諸葛亮羊祜及武當山神庚寅駕抵承天府駐蹕邸
卿雲宮謁皇考於隆慶殿辛巳駕幸純德山降輦稽
首騎登山陵立表於寢陵之北甲申享上帝於龍飛
殿奉皇考配頌詔天下壬辰駕蒞承天念所經供億

良善復承天府田租三年湖廣河南有差壬午駕還
京師五月幸大峪山閱工奉章聖皇太后梓宮詣承
天合葬顯陵諭禮部曰南巡因謁陵寢及視大峪已
畢然峪地空淒豈如純山完美決奉慈駕南柑建聖
諭於承天府榜其城樓曰顯親達孝之城六月雷震
奉天殿左吻命省修命東宮啓本如永樂初例八月
頒御製大狩龍飛錄於文武羣臣及各王府二聖梓
宮合葬顯陵九月 上諭輔臣曰朕欲命東宮攝國

靜攝一二年即可親政太僕卿楊最上疏直諫逮訊
死獄中

十九年正月 上疾不朝壬寅拜天玄極殿乃朝二

月建宮祈醮三日三月乙未黃霧四塞隨變紅赤色

暴風壞文德長安二坊西長安中門椽木：鎖皆斷

上曰風霾之變天三 我矣占曰兵喪失今西北邊

最急兵部集議所以備之四月不雨庚寅 上宮祈

癸巳雨大學士言賀五月建雷殿工部尚書溫仁和

言內外大工宮則慈寧慈慶景陽仁壽諸陵離宮沙
河離宮及方中壽宮殿則奉先三殿謹身欽安宇則
皇穹壇則崇穹廚庫則神廚神庫樓則麗譙陵則六
陵碑則六聖景帝墳則賴薊成均諸王端德諸妃嬪
二三歲間其費白金六百三十四萬七十八百有奇
承天所請又百七十餘萬各衙門修建復日催督帑
歲已竭臣部萬不能支乞聖明裁度命暫罷其可已
者八月萬壽節建三晝夜醮告天玄極殿耶勛以方

士段朝用見曰能化物為金銀目以所化銀器進

上大悅曰仙術出世殆天授也因授朝用紫府宣忠

高士薦其器於太廟加勳祿米百石九月賜故忤逆

瑾者工科給事中許天錫祭奠十一月虜入延綏總

督尚書劉天和檄總兵周尚文大破之殺其王子忻

古四百餘級上悅論功有差十二月春坊贊善羅

洪先司諫唐順之司經局正字趙春正請以來歲元

旦見皇太子於羣臣上不悅曰儲貳臨朝必君父

其不起矣狂躁不道其姑黜為民

二十年二月詔修承天府志三月楊爵上書極言

上罷朝廢講聽信方士煩興土木任用夏言郭勛而
拒直諫之臣 上怒甚下鎮撫獄命長繫之四月安

南莫登庸面縛軍門納款請罪命降安南國為安南
都統使司以莫登庸為安南都統使給銀印取毛伯
温回京宗廟災成仁二主燬恭奉成仁二主於景神
殿五月戶部主事周天佐請宥楊爵殺繫之竟死六

月俺答乞貢不許遂入寇邊官降黜有差七月以宗廟災罷萬賀八月起翟鵬為兵部尚書總督北邊軍務昭聖皇太后崩令夏言致仕逮郭勛於獄論死十月復夏言原職入閣視事巡按陝西御史浦鏜請宥楊爵命械繫來京訊之十二月南科王煒論總督遼薊胡守中乾沒帑金擅伐塞上古松數萬株虜騎長驅遂無扞蔽復索富商宿將金錢詔逮至會訊論斬二十一年正月給事胡賓請出通倉糴米百萬減價

蔡經以賑近畿飢歉送之五月論平安南功加巡撫
蔡經兵部尚書七月革大學士夏言職閑住因責臺
諫不糾言者七十三人奪級外補嚴嵩入武英殿預
機務南北科道沈良材王燁陳詒等各劾嵩狡貪
婪其子世蕃招權納賄疏入不報九月工部員外郎
劉魁言頌營奉寧殿大高玄殿工作頻繁財力告絀
請紓民上怒杖繫之郭勛度死十月宮婢謀弒
上寢榻方盡治是赦乃免遂命不察嘗後悉出磔收

誅及曹妃自是 上移御故 成祖宮西苑不復居

大內十一月吉宮變於中外郊遣代自是以為常

二十二年二月方士段朝用下獄論死大治虜入大

同罪總兵王陞白爵張達李恭皆論死賜正德中罵

寘鐫死者姜漢祠三月安南都統使莫福海等謝恩

修貢六月科臣周怡劾翟鑿嚴嵩憑藉寵靈恃恩修

怨奏上杖闕廷下獄長繫之七月久旱 上躬禱霽

壇是日大雨文武疏賀御製感雨詩 上曰朕非賴

天地洪恩曷除宮變為有今茲朕辰且至醮朝天宮
七日醮之日白鶴四十餘翔空中羣臣賀十月虜入
延綏游擊張鵬統兵吳英副總兵蔣存禮恭將周文
等戰勝之

二十三年八月日本貢使釋壽光等至詔以違例却
之內苑嘉木生一莖雙穗者六十有四零壇靈黍五
出者一禮部請賀上曰母虛敬直不可訛君毀道
大學士翟鑾二子汝儉汝孝同舉進士給事中文等

論勅主司江汝壁秦鳴夏阿比舉座主彭鳳歐陽暎
私授關節 上勅鑿父子皆為民述汝壁等杖罷之
十月大同順聖川卒劉伏記擒獲叛酋王三以獻命
磔之告郊廟社稷十一月詔索一真人禮部尚書陶
仲文職掌玄教保護邦民其加秩少師以示酬獎十
二月湖貴苗久叛巡撫萬鍾遣人誘苗歸龍來以一
千戶為質龍至遂殺之彼亦殺千戶鍾遂奏苗平班
師功賞還叙有差禮部請 上朝正受賀 上曰要

名耳欲圖報者竭誠職務今天下安

二十四年正月嚴中外奢靡之禁續纂大明會典二
月罷元世祖祀燬其主三月建祈年醮朝天宮五月
上曰風沙日作二麤失滋或曰上召亦思罕下有失
職者須存人心勿謂天教朕將叩帝祈霖十日其止
屠罪刑如例四月總督兵部侍郎張漢陳將官贖罪
條格請得斬不用命者以勵諸將上怒下法司啟
議：請上裁上曰上將：生殺為權無君作威甚

顯恣鎮撫司加拷訊之謫漢鎮西戍七月太廟成御
史周冕言廟貌鼎新不宜遣官代祭下詔獄尋釋之
八月永和王知煥獻白鹿上壽遂告鹿瑞於太廟是
時上重箕仙箕下示命有司掩骼出故御史楊
爵給事中周怡工部郎中劉魁詔獄皆逆之爵怡魁
甫出三日吏部尚書熊浹以止箕仙諫忤旨遂命逮
繫爵怡魁如故虜大入大同恭將張鳳指揮劉欽千
戶李瓚與報効生員王邦直死之九月陶仲文請建

延壽醮太和山遊之賜傳以行再召太學士夏言楚
世子英曜殺其父 上曰命告 皇祖夜斬之焚其
屍十月吏部尚書熊浹諫止箕仙令休致仍遣官校
監於邸次

二十五年正月御史周冕請東宮出閣講學 上曰
是典禮出自上非如外事可達白冕輕妄奏瀆其隆
邊方禱職再言者加罪之四月立賞格招徠男女亡
入虜者兩應祈羣臣賀 上悅七月虜入延安慶陽

諸處總督侍郎曾銑遣參將李珍夜出塞劫其營敗
之久而賑京師飢 上曰鹿瑞通祥游呈去歲今朕
辰日近醴泉復出承華難聖賢不恃以忘也而不可
不敬謝其自二十五日至八月望舉謝停封供事毋
慢八月加封陶仲文伯爵九月湖貴苗復叛柳州賊
常金田等平賞兩廣撫鎮張岳陳圭等功十月虜犯
保安掠慶陽和川王府奉國將軍克灼謀勾虜伏誅
決重囚張延齡胡守中皆伏誅十二月總督都御史

曾銑請復河套夏言主其議以請上壯而許之
二十六年五月總督侍郎曾銑遂套虜勝之虜遠徙
不敢近塞陞俸一級賜白金文綺七月以浙閩近倭
改南贛都御史朱統為浙江巡撫兼管海道勅統嚴
泛海道崇勾連主藏之禁十一月宮中夜火詔速赦
諫官楊爵等於獄皇后方氏崩曾銑陳邊務十八事
詔獎之令本兵議行曾銑劾驚十罪令進繫訊治以
王維祖代之

二十七年正月虜入遼西大掠罷巡撫都御史胡宗
明以李珣代之嚴嵩論曾銑開邊啓釁貽禍封疆夏
言附會和同誤軍大事命廷臣集議吏部聞淵禮部
費寀都御史屠儒等覆言轻信曾銳致開邊釁命奪
言師傳以餘官致仕遷銑詣京即訊兵部奏虜首俺
答等與套虜謀寇延寧嵩曰此曾銑開邊召之也會
勘以聞仇鸞因訐銑尅取軍糧倖免重罪倡復套謀
自解法司會擬銑罪律無正條擬以交結近侍官員

例具獄可報斬於市妻子流三十里逮夏言至京上
疏自理為嵩所隔尚書喻茂堅以議貴議能請不聽
竟坐於銑交通律斬其妻蘓氏請以身代上曰蘓
氏亦流人安得代邪五月孝烈皇后葬永陵六月大
同女年十七化為男十月報大學士夏言於西市
二十八年二月虜寇宣府指揮江瀚董暘戰死覆全
軍虜遂東犯永寧關南大震大同總兵周尚文等戰
敗之備文自頌勦累疏請叙上銜為三月皇太子

冠尋堯謚莊敬五月總兵周尚文卒科臣沈秉請封爵上怒束肆欺市美平廷杖詔獄錮之十月以苑田穀瑞免刑囚十一月巡撫河南胡纘宗按陽武知縣王聯以殺人罪坐絞子策走京師於長至日假朝衣隨班奏纘宗私隙故入人罪述其迎駕詩有携王八駿飛空電湘竹英王淚不磨為呪咀上怒逮訊刑部尚書劉訥等奏王聯以死囚誣妄纘宗詩詞頌美無誇訕語嵩謂訥以同里故黨纘宗上怒曰既

頌美乃云湘竹英里何邾縉宗廷杖與劾俱削籍
二十九年四月湖苗平六月虜犯大同總兵張達悉
所部迎戰馬蹶見殺副帥林椿往援亦死之八月虜
大入寇自白河東渡潞水西北行大掠民資焚其廬
火日夜燭天至東直門執御廡內臣八人去見俺酋
踞坐毡帷謂曰若歸見天子好為我致書及啟書多
嫚語求入貢上召嵩本階入便殿示以虜書授劄
令各畫所見群臣顧莫敢發司業趙貞吉抗言此不

必問恐後生懦夫關不解事虜闌入內地許之貢何
異城下盟時已暮命馳騎召吉入對西苑貞吉大言
陛下宜御奉天門下罪已詔速獎故都督周尚文并
釋沈東獄作人心并請士卒得一首予百金損十萬
金虜且立盡乃即擢貞吉兼御史齋金五萬往募首
功以仇鸞為平虜將軍總督諸鎮援兵分道禦虜以
楊守謙為兵部侍郎兼都御史副之命僉都御史高
大節領所募伎勇異等別為一軍一城內外時諸鎮

援兵雖盡至皆遠屯藉口遂虜驚軍亦徒將移張兵
勢守謙兵少不敢擊虜徒堅壁城下虜大熱西北隅
火明西內西北隅多內臣圍舍皆環上泣將帥不
力文臣制之故虜得至此民逃虜求入者門閉率號
哭城下上亦聞其聲益趣戰守謙等猶以兵部尚
書丁汝夔未檄調為解上震怒曰獨不畏朕癸未
御奉天殿乃命執汝夔下獄復遣官自軍門前達揚
守謙即訊刑部彭黠會訊汝夔守謙罪斬爰書補緩

上怒黯等比周六逮獄廷杖奪俸丁亥丁汝襲揚守
謙棄西市傳首九邊司業趙貞吉廷議狂誕齋募金
不得首功杖九十謫荔浦典史己丑將虜金帛人畜
北去歆西奪白羊口出塞仇鸞率諸鎮兵尾之阨險
不得出乃稍棄餘物逆東南行至昌平猝與鸞遇縱
騎蹂躪鸞軍創幾獲鸞得裨將力援免虜備古北口
故道出塞鸞先後得二百級自劾無功詔進大保賞
賚甚厚九月刑部郎中徐學詩言賊至門庭陛下

有論令人：盡言所以破逆擒虜者切見嚴嵩奸貪
特甚嵩子世蕃竊權擅政臣謂正本清源無如亟罷
嵩父子 皇上攬權移濟之上六卿之職則天下自
安 上曰廩學詩乘上言以報私忿下鎮撫拷訊之
三十年正月錦衣衛經歷沈鍊劾嚴嵩父子十大罪
上曰廩鍊固上沽名錦衣衛其捕杖之尋謫口外為
民三月虜酋俺答去冬求貢朝議不許仇鸞家達家
丁時義結俺答義子脫脫使貢馬互市俺酋利貨幣

譯書送總督蘓佑以聞兵部尚書趙錦與嵩贊成其
事 上乃起史道往大同理互市兵部員外楊繼盛
諫開馬市 上謂阻撓邊務令錦衣衛訊杖貶狄道
典史四月開馬市於大同鎮羗堡俺答與子脫：共
易馬二千七百餘疋六月都御史商大節奏京城防
守官軍為仇鸞等調往剗包藏禍心宜稍裁抑鸞上
疏力排之詔杖訊以失事軍機律擬斬楚於獄十月
侍即何棟擒獲朵顏叛逆哈丹兒陳通事訊鞠禮部

請告謝靈壇郊廟行獻俘禮十一月祧 仁宗神主
升祔孝烈皇后主太廟第九室史道主互市虜以羸
馬索厚值弗予輒大譁大同市則寇宣府宣府市則
寇大同甚者朝市暮寇并掠羸馬而去

三十一年二月詔修太和山玄帝宮罷大同馬市仇
鸞慮譴請選宣大精銳兵萬人發帑金二十六萬為
戰資 上不許諭蕭曰金民血也鸞去歲誦兵不一
戰軍與數百萬即戰當何如其第令戰三月裕王景

王行冠禮把都兒辛愛原入犯遼東總兵姚天謨守
恪王相力戰死之四月倭寇浙東倭率萬人自浙江
舟山象山等處登岸攻破黃岩縣流劫餘姚山陰等
處殺擄居民無計奉聞命王忬提督軍務巡視浙江
七月虜寇薊州甚急仇鸞病疽請輿疾出本兵趙錦
奏強虜壓境人心洶々大將病不能起臣請躬出視
師代鸞督戰 上謂本兵不當輒出命侍郎蔣應奎
掌戎政游擊陳時代之鸞聞命恚極死徐階因家疏

鸞通虜謀圖 上大驚命陸炳會三法司擬罪奏鸞
謀反律當追戮詔剖棺斬首梟示九邊妻子家丁皆
斬沒其貲八月建景王府於湖廣德安府十月御史
王宗茂劾高負圖大罪併選卽萬案附權納賄誦縣
丞以本兵趙錦阿附仇鸞誦成邊起翁萬達為兵部
尚書十一月 上思楊繼盛馬市疏皆驗乃自典史
還知縣俄遷南戶部主事三日遷刑部員外尋改武
選司御史論時疏奏嚴濬不報

三十二年正月兵部員外楊繼盛疏嚴嵩顯政誤國
五奸十大罪疏中有 上如不信則請召二王問之
上曰斯繼盛本心探測朕意故引二王奸無上也錦
衣其杖之百四杖一更人已下刑部尚書何燾當詐
傳親王令旨律絞海賊汪直糾漳廣羣盜大舉入寇
自台宰嘉湖至蘓松迄淮北濱海數千里同時告警
虜寇宣府大同總兵劉海郭都死之武選郎中周冕
劾嚴世蕃奸狀削籍詔京師城外城四月倭犯太倉

州攻城不克，掠有舟倭四千人，突至平湖海寧等境，官兵禦之，皆敗，殺把總指揮千百戶縣丞諸官，奪舟而去。倭犯松陽，知縣羅拱辰禦却之。倭浮海，俞大猷以舟師邀擊，斬獲亡筭。虜犯遼東，總兵岳懋等擊敗之。五月，倭攻上海縣，知縣喻顯科逃匿，指揮武尚文縣丞宗鰲死之。七月，虜酋俺荅把都兒等大舉入寇，攻插箭等路，閩南大震。固原軍夏游擊陳鳳朱玉夾擊之，虜馳去。陳璋敗倭寇，斬首千餘級，餘釋。

東遼九月 上以四方飢民來聚京師出太倉米數
萬石平價糶復思民有身無一錢者仍坐斃道路令
以六分出糶四分賑飢民九月虜犯山西巡撫趙時
春禦之敗績總兵李藻與其子松死之

三十三年二月倭犯松江殺縣丞劉東陽四月倭犯
嘉興都指揮周應禎指揮李元律等死之倭薄通州
揚州十戶洪岱以兵援之戰死倭夜襲崇明知縣唐
一岑死之倭薄蘓州城大掠七月以王忬為右都御

史巡撫大同八月總兵俞大猷敗倭於吳淞都指揮
任錦敗倭於長礁十月虜攻薊鎮邊牆警報當至邊
廠校往察其狀見楊博擐甲登陣宿止古北口垣上
衆將士守禦甚力上大喜蒞萬金犒守牆將士總
督楊博總兵周益昌各賜衣一襲倭寇不掠嘉湖十
二月禱雪不應禮部請再祈上曰朕欽玄膺祐今
夏秋雨雖多已苑田嘉禾特出五穀之精乃寶也
茲不敢邀速効於神其無舉祈報典焉

三十四年正月命宋儒朱熹齋孫源襲五經博士倭犯乍浦陷崇德復攻德清殺把總指揮梁鶚等六人二月工部侍郎趙文華奉命祭告海神并視師江南三月任環督舟師與倭戰於南沙野茅洪敗之四月虜寇宣府青邊口堡叅將李光啓等禦之兵潰被執罵賊死之并殺指揮黃添祥字八人五月倭寇四千餘人自柘林犯嘉興總督張經字遺叅將盧鏜等水陸攻之保靖宣慰使彭蓋臣與倭遇於石塘灣大敗之

其黨陳東麻葉漸與海威引去海遂計擒東葉百餘
人以獻其部裝道者我兵追破其舟斬溺殆盡六月
倭寇破慈谿城省祭官杜槐及父文明率兵追敗於
王家園一日戰十三合執寇三十餘人以兵少父子
戰歿七月命孔子六十五代孫尚賢襲封衍聖公九
月胡宗憲以計誘徐海居沈庄且與談和而文筆力
主勸督兵甚嚴以書遺宗憲責其遣兵自老遂集諸
路兵圍之數重縱焚其廬死者甚衆後溺屍中緘徐

海屍浙群遂寧十一月獻倭俘加文華少保宗憲右
都御史各廢一子錦衣千戶虜寇遼東塞總兵殷尚
質游擊嚴懋官死之奪總督王忬俸巡按蘇志皋落
職賜嚴嵩免朝仍腰輿入直

三十六年二月虜入大同致守脩唐天祿殘毀村堡
三十二所三月虜犯延綏四月雷雨大作火光驟起
奉天華蓋謹身三殿午門及左右廊盡燬六月止陝
西採礦工部尚書趙文華以三殿功屬工部屢疏乞

歸時 上方脩玄禁奉詔而言疾尤諱文華以病請
觸 上怒罷之倦答子平受妾與收令哥通逃入閩
榜順納之以聞平受索之甚急紹歸叛人丘富相劫
於是遣還平受召諸婦環視磔之而富卒不歸科臣
吳時來劾順納亡啓變反受虜欺巡撫路楷受賄隱
匿本兵許論比周為奸命逮順楷詔獄與許論俱削
籍叙宗憲擒汪直功加太子太保八月萬壽節浙江
御都史胡宗憲進鮮芝七十奉禮都御史阮鵬進

一百四十本江西都御史馬森進一十六本以賀十
二月廣東扶黎葵海諸山峒賊馮天恩李汝瑞平山
西平送賊田武平以水災免遼東諸衛所稅糧預領
太倉銀五萬優卹之

三十七年正月光祿寺火三月倭寇福建命浙江巡
撫阮鶚往勦之尋削籍科臣吳時來上疏劾嵩父子
惡跡上怒逮繫之獄具擬辟鄭曉不可降旨廷杖
謫戍嶺南四月漳倭大至犯浙福沿海群邑陷福清

執知縣葉宗文叔庫獄攻惠安殺知縣林咸五月大
同圍解時揚悖督大兵趣援虜開遁去留悖視鎮事
胡宗憲獻白鹿人旱上齋祀高玄大雨沾足群臣
表賀蒲州潮州地震六月浙西倭分掠樂清等縣閏
七月揚悖以大同右衛築土堡墩臺接連左衛濬濠
二道各長十八里胡宗憲再獻白鹿於齊雲山上
曰一歲二瑞天眷非常命告謝玄極殿太廟以宗憲
忠敬陞一級百官表賀九月禮部類進四方獻芝朮

千八百六十有四詔更廣求徑尺以上者命唐順之
視師浙江與胡宗憲協謀勦賊

三十八年正月前軍都督府火二月巡按方輅劾巡
撫都御史王忬失策逮獄論死四月倭寇攻破福安
縣往來鉛海諸群邑而廣東流倭在詔安漳浦者就
夥福建人大譟謂胡宗憲嫁禍於閩宗憲論劾總兵
俞大猷不寔倭柯梅生令得奔毒兩省詔逮大猷京
師治之南直廟灣倭合衆來攻淮安巡撫李遂督叅

將曹克新戰敗之溺死甚衆山西卒亂都指揮鄭印
討平之五月召總督楊博回兵部管事八月征倭寇
督胡宗憲與都御史李遂命劉顯率官軍殲江北倭
於劉家庄奏捷總兵劉漢破虜於豐州十一月詔以
朱熹原籍婺源縣子孫朱塾世襲五經博士十二月
贈故蘇松兵備任環為光祿卿祠蘇州廕其子

三十九年正月嚴嵩令都御史鄒應卿總理天下監
政騷動海內二月原任中允郭希顏上安儲詔內有

言建帝立儲 上曰立子為儲帝誰可建者命各科
集議禮科藍壁等擬妖言律就江西決之傳首天下
胡宗憲獻上汪直獄命表示之浙江兵部議擒直賞
上曰玄祐也不奈謝人心歎命告玄極殿而論宗
憲功有差南京軍亂缺督儲侍即黃懋官事聞命擒
治為首者斬之三月寧夏地震嘉興湖州地震屋廬
皆倒進胡宗憲尚書督師勦寇巡撫亦聽節制總兵
繇掖門者謁行屬禮八月御史鄭存仁劾鄭曉桃職

胡宗憲獻芝草五白龜二 上悅賜金幣金彩鶴衣
一襲禮部請謝玄告廟許之不數日白龜亡 上曰
天降靈物朕同疑其塵寰不久十一月街士陶文仲
死四十年二月京師旱 上禱玄壇得雨分遣御史
王大任姜儼往天下訪仙術異人及秘方符篆四月
萬壽宮災乃 上齋所隨命築之虜犯延緩六月詔
賞歸附夷人衣幣有差八月南御火林潤劾鄔懋卿
五罪懋卿疏辯令供職如故御田產嘉穀異類同奉

者四十有九田官以進告太廟百官衣賀十月令南
畿人不得典南試禮部奏四方進芝九七百六十九
本命加意採五色盈尺者淮王獻白雁二賜命幣
上曰天降祥羽其廟告

四十一年三月詔罷親耕親蠶五月御史鄒應龍劾
嚴嵩于世蕃孫嚴鵠嚴鴻家奴嚴羊羅龍文等大逆
不道詔嵩致仕世蕃即訊坐煙瘴充軍鵠鴻龍文等
戍邊年錮於獄應龍超遷通政叅議六月鄔懋卿巡

行淳安憲銘知縣海瑞霍與瑕以貧色供帳疏簡懋
卿喉巡鹽御史袁淳劾之並落職九月三殿工成景
王堯十月刑科陸鳳儀劾胡宗憲十罪命繫京即訊
削籍十一月顯陵守備內侍張方等言冬至日甘露
降顯陵松樹上以冬至奉安獻皇帝后神几於宮
而甘露應期降大悅禮部請令百官稱賀許之十二
月倭寇興化府逮宗憲至上曰罪宗憲後來誰與
我任事其釋令閩住

四十二年三月詔脩鳳陽祖陵四月重脩興都志副
總兵戚繼光督浙兵至福建與總兵劉顯俞大猷大
破倭賊於平海衛倭寇悉平九月詔罷江南加派兵
餉銀兩嚴嵩上疏言臣年八袞願 皇上哀臣無告
放歸子世蕃孫鵠以終餘年不許虜寇遼東總兵楊
照追擊遇伏戰死虜寇京東殺諸大臣分兵守重城
諸門趣諸鎮兵入援十二月無雪 上親禱得之群

臣表賀

四十三年正月命發戶部銀三萬兩 劉蕡給犒邊
軍徐階曰春防既賞秋防將引以為例賞則不以為
恩不賞則造以生怨不若足其糧餉而賞則以待有
功詔是之閏二月廢伊王典換為庶人國除三月熱
審法司宥死罪矜疑者二十一人戍邊四月大雪祈
得雨衣賀七月虜大入寇至張家灣將攻通州犯京
師以張家灣河水凍而還十月以嵩敗大計京官十
一月御史林潤劾嚴世蕃羅龍文逃戍而歸聚衆數

千大治私第乞正刑章以絕禍本詔逮治之又以科
臣言逮胡宗憲至京仰藥死林閔復劾鄢懋卿命削
籍

四十四年正月 上不豫二月 上疾有瘳三月副
總兵郭成等擊倭於海中沉其舟斬首百餘級倭患
絕嚴世蕃羅龍文逮至京刑部尚書勘其交通倭虜
謀逆有狀命即斬世蕃龍文籍其家餘遣配有差四月
宮恠有黑氛水綿見披擲藻井上 上惡之議內禪

亦竟止五月陶仲文黨胡大順撰萬壽金書一秩併
鉛藻因道士藍田玉通意於趙楹獻之上問曰此
云箕書扶箕者何在田玉遂詐言做大順入上悟
曰朕未嘗召安得輒來命錦衣衛訊之後命司禮監
鞠得詐傳狀皆論斬楹斃於獄九月山西巡撫張楨
言吳時來董傳策張翀王宗茂等首發嵩奸流離瘴
癘乞宥過錄用上怒命錦衣繫京訊鞠十月奉安
睿宗獻皇帝慈孝獻皇后神主於玉芝宮

四十五年正月賑歲內飢民諭徐階欲南幸承天非
顯陵取藥服氣階奏止之二月主事海瑞上疏極諫
上大怒抵其疏於地已復取再讀之歎息自悔疏竟
留中逾月始下瑞詔獄三月詔開新河新河為盛應
致所開故道自南陽以南東至夏村又東至留城凡
一百四十一里悉依應致鑿所河形開濬深廣漕運
利之五月上久御內黑氣擾宮心疑之諭內臣
慎火六月山東妖人張朝用以白蓮教惑眾副使黃

忠捕誅之九月詔禁僧尼戒壇說法四方游僧並聽
所在有司逆回原籍十月上不豫上服長生等
藥性燥裂毒發難痊命出沈於獄中減兩淮監課
仍依舊額閏十月壬辰虜犯延緩駐內地六日攻掬
窪窖略盡甲辰虜犯同威遠等處叅將崔世榮戰死十
一月脩頤陵寢殿成更碑題曰大明睿宗獻皇帝陵
十二月上大漸還乾清宮翌日崩徐階等啓請裕
五入主喪事以大行皇帝賓天告奉先殿報訃音宗

室諸王上尊號曰肅皇帝廟號世宗葬永陵

石匱書曰 世宗在位四十五年無一日敢忘典獻

帝后者具尊親未免踰分亦聖孝之過也諸臣能於將順之中稍寓匡救則猶可及為也揚廷和蔣冕輩毋乃過於激乎張璉以強詞奪正理持偏矯枉反失其平遂不復可底止矣雖然 世宗以藩邸入嗣大統不數日而議大禮廷臣大老六十餘人以去就爭之而畧不為動言官二百二十八伏闕號慟以生死

爭之而亦畧不為動雖則其孺慕真誠出繇天縱乃
宸衷獨斷百折不回非大有為之君能若此哉